



Broj: 05-41-5/19
Sarajevo, 05. 03. 2019. godine

Na osnovu člana 64. stav (1) tačka b) Zakona o javnim nabavkama („Službeni glasnik BiH“, broj 39/14, u nastavku: Zakon), člana 70. stav (1), (3) i (6) Zakona, člana 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj 103/14), preporuke Komisije iz Zapisnika o pregledu i ocjeni ponuda, broj: 05-41-5/19 (Lot 1), 05-41-5-1/19 (Lot 2) i 05-41-5-2/19 (Lot 3) od 20. 02. 2019. godine, te člana 16. Statuta Agencije za bankarstvo Federacije BiH („Službene novine Federacije BiH“, broj: 3/18), u postupku javne nabavke usluga održavanja motornih vozila direktor Agencije za bankarstvo Federacija BiH donosi

ODLUKU

o izboru najpovoljnijeg ponuđača - Lot 1 i poništenju postupka - Lot 2 i Lot 3 u postupku javne nabavke usluga održavanja motornih vozila

Član 1.

Prihvataju se preporuke Komisije za provođenje postupka javne nabavke usluga održavanja motornih vozila za potrebe Agencije za bankarstvo Federacije BiH (u nastavku: Ugovorni organ), broj i datum iz uvodnog dijela ovog akta i okvirni sporazumi za predmetnu nabavku u dijelu postupka koji se odnosi na Lot 1, dodjeljuju se privrednom subjektu „Autodelta“ d.o.o Sarajevo.

Poništava se postupak konkurentskog zahtjeva za dostavu ponuda za nabavku usluga održavanja motornih vozila, u dijelu postupka koji se odnosi na Lot 2 i Lot 3.

Član 2.

Ukupna vrijednost okvirnog sporazuma iz tačke I. ove odluke, bez uračunatog poreza na dodanu vrijednost (PDV-a), iznosi:

- 1) Lot 1: 15.000,00 KM

Član 3.

Po okončanju roka za žalbu, ugovorni organ će s izabranim ponuđačem zaključiti okvirni sporazum, na period od jedne godine, kojim će regulisati međusobna prava i obaveze.

Član 4.

Ova odluka objavit će se na internetskoj stranici Agencije www.fba.ba, istovremeno s upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona.

Član 5.

Ova odluka stupa na snagu danom donošenja.

OBRAZLOŽENJE

Odlukom o pokretanju postupka javne nabavke usluga održavanja motornih vozila, broj: 05-41/19 od 09. 01. 2019. godine, odobreno je provođenje postupka predmetne nabavke za potrebe Ugovornog organa. Javna nabavka provedena je putem konkurentskog zahtjeva za dostavu ponuda, a kriterij za dodjelu ugovora je najniža cijena tehnički zadovoljavajuće i prihvatljive ponude.

U skladu s odredbama člana 35. Zakona, Obavještenje o nabavci broj: 3010-7-2-34-3-11/19 objavljeno je na Portalu javnih nabavki (ejn.gov.ba), dana 09. 01. 2019. godine, uz istovremeno upućivanje poziva za dostavu ponuda na adrese petorice potencijalnih ponuđača.

Prema uslovima navedenim u tenderskoj dokumentaciji (u nastavku: TD) predmetna nabavka je podijeljena na tri lota, sa slijedećim procijenjenim vrijednostima nabavke - bez poreza na dodanu vrijednost:

- Lot 1: 15.000,00 KM
- Lot 2: 6.000,00 KM
- Lot 3: 6.000,00 KM

U skladu s Odlukom ugovornog organa imenovana je Komisija za nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnike o pregledu i ocjeni ponuda – po lotovima, u kojima je utvrđeno da je broj ponuda pristiglih po lotovima slijedeći: a) Lot 1: 4 (četiri) ponude, b) Lot 2: 1 (jedna) ponuda i c) Lot 3: nijedna zaprimljena ponuda.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja po lotovima, Komisija je utvrdila:

- da ponuda ponuđača „Autodelta“ d.o.o Sarajevo koja se odnosi na Lot 1, ispunjavaju sve uslove i zahtjeve iz TD, pa je ista ocijenjena kao prihvatljiva za Ugovorni organ u predmetnom postupku nabavke;
- da se ponude ponuđača „Unitrade“ d.o.o. Ljubuški (Lot 1) i „Guma M“ d.o.o. Mostar (Lot 1), „AC Quattro“ d.o.o. Sarajevo (Lot 1 i Lot 2) odbacuju kao neprihvatljive na osnovu člana 68. stavovi (1) i (4) Zakona, iz razloga što navedeni ponuđači nisu ispunili sve zadane uslove i zahtjeve iz TD.

U ponudama ponuđača „Unitrade“ d.o.o. Ljubuški, „Guma M“ d.o.o. Mostar i „AC Quattro“ d.o.o. Sarajevo, evidentirane su slijedeće nepravilnosti:

- Ponuđač „Unitrade“ d.o.o. Ljubuški nije ispunio kvalifikacijske uslove, u dijelu koji se odnose na poglavlje III. - Uslovi za kvalifikaciju ponuđača, tačka 3. - Minimalni uslovi za kvalifikaciju ponuđača, podtačka (3.3. Ekonomska i finansijska sposobnost – član 47. Zakona o javnim nabavkama), s obzirom na činjenicu da ponuđač nije dostavio valjanu Potvrdu od strane banke da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (09. 01. 2019. godine). Naime, ponuđač je dostavio Potvrdu izdatu od strane banke s datumom izdavanja na dan 17. 12. 2018. godine, u kojoj stoji da njegov račun nije blokiran zadnjih 12 (dvanaest) mjeseci u periodu od 14. 12. 2017. – 14. 12. 2018. godine, što nije usklađeno sa zadanim uslovima iz TD, kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci.
- Ponuđač „Guma M“ d.o.o. Mostar nije ispunio kvalifikacijske uslove, u dijelu koji se odnose na poglavlje III. - Uslovi za kvalifikaciju ponuđača, tačka 3. - Minimalni uslovi za kvalifikaciju ponuđača, podtačka (3.3. Ekonomska i finansijska sposobnost – član 47. Zakona o javnim



nabavkama), s obzirom na činjenicu da ponuđač nije dostavio valjanu Potvrdu od strane banke da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (09. 01. 2019. godine). Naime, ponuđač je dostavio Potvrdu od strane banke s datumom izdavanja na dan 15. 01. 2018. godine, u kojoj stoji da njegov račun nije blokiran zadnjih 12 (dvanaest) mjeseci, što nije usklađeno sa zadanim uslovima iz TD, kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci.

- Ponuđač „AC Quattro“ d.o.o. Sarajevo nije ispunio kvalifikacijske uslove, u dijelu koji se odnose na poglavlje III. - Uslovi za kvalifikaciju ponuđača, tačka 3. - Minimalni uslovi za kvalifikaciju ponuđača, podtačka (3.3. Ekonomska i finansijska sposobnost – član 47. Zakona o javnim nabavkama), s obzirom na činjenicu da ponuđač nije dostavio valjanu Potvrdu od strane banke da „glavni račun“ privrednog subjekta nije bio blokiran zadnjih 12 (dvanaest) mjeseci od dana objave Obavještenja o nabavci (09. 01. 2019. godine). Naime, ponuđač je dostavio Potvrdu od strane banke s datumom izdavanja na dan 17. 01. 2019. godine, u kojoj stoji da njegov račun nije blokiran zadnjih 12 (dvanaest) mjeseci, što nije usklađeno sa zadanim uslovima iz TD, kojim je traženo da Potvrda mora biti izdana od banke sa navodima da glavni račun ponuđača nije bio blokiran zadnjih (12) dvanaest mjeseci od datuma objave Obavještenja o nabavci.

Iz prednje navedenog vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija za nabavke dala preporuke da se istom, saglasno članu 69. stav (1) tačka a) Zakona, dodijeli okvirni sporazum u dijelu postupka koji se odnosi na Lot 1, za predmetnu nabavku usluga.

Obzirom da u predmetnom postupku u dijelu nabavke koja se odnosi na Lot 2 jedina zaprimljena ponuda od strane ponuđača „AC Quattro“ Sarajevo nije prihvatljiva, a za Lot 3 nije zaprimljena nijedna ponuda u određenom krajnjem roku, komisija za nabavku je dala preporuku da se shodno odredbama člana 69. stav (2) tačke a) i d), ovi dijelovi postupka ponište.

Uvažavajući sve navedeno, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 16. Statuta Agencije, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

- svim učesnicima u postupku
- a.a.

